

光緒吉林通志

吉林通志卷七十九

人物志八 金七

希尹

守貞

宗幹

充

永元

襄

袞

宗弼

亨

偉

達蘭

希尹本名古新

原作谷神
金史本傳

一名悟室

原作兀室
大金國志

罕都

原作 之子也

金史本傳

母妊三十四月生名曰悟室乃三

十也長而身七尺餘言如巨鐘面貌長而黃色少鬚

髯常閉目坐怒睛如環

神麓記

而夜有光爲人深密多

智大金志

動靜禮法軍旅之事暗合孫吳自謂不在張

良陳平之下

神麓記

自太祖舉兵常在行陣

金史本傳

同爲

謀主

大金志

或從太祖或從薩哈

原作撤改

或與諸將征伐

比有功

金史本傳

金人初無文字國勢日強與鄰國交好

適用契丹字太祖命希尹撰本國字備制度希尹乃

依仿漢人楷字因契丹字制度合本國語製女直字

天輔三年八月字書成太祖大悅命頒行之賜希尹

馬一匹衣一襲其後熙宗亦製女直字與希尹所製

字俱行用希尹所撰謂之女直大字熙宗所撰謂之

小字

金史本傳

滅遼國爲先鋒逕進入新川州節度使王

從輔詣降又從破東京上京

大金國志

遼人達魯原作和迪六和

尙伊勒希

原作雅里斯

棄中京走希尹與寶古納

原作迪古乃

羅索

原作婁室

伊都

原作余覲

襲之達魯等聞希尹兵復走遂

降其旁近人民而還

金史本傳

奚人羅和

原作落虎

來降復使

招其父西節度使額哩埒

原作訛里刺

以本部降

宏簡錄天

輔六年二月

太祖紀

宗翰駐軍北安遣希尹經略近地

獲遼護衛實納埒

原作習泥烈

知遼主獵於鷓鴣深

金史本傳

以其子晉王賢而有人望惡而殺之眾益離心雖有

西北西南兩路兵馬皆羸弱進兵襲之太祖紀遼主以

輕騎遁去宗翰襲遼帝於五院司希尹爲前驅金史本傳

所將纔八騎與戰一日三敗之降人瑪展原作麻吉言遼

主在漠委輜重將奔西京追至伊蘇原作乙室部不及而

還安簡錄七年二月宋使趙良嗣來請加歲幣以代燕

稅及議畫疆并計議西京等事太祖紀趙良嗣至軍前

希尹曰皇帝言趙皇大度我增百萬一言不辭今求

西京何辭以拒然其民卻待遷去良嗣曰若止空城

安用之希尹笑曰此無他皇帝意欲南朝稱賞諸軍

耳未幾以燕山六州歸於宋先是盧益與宵木割至

燕山金人止之以候犒師金帛已乃得見希尹等索
百萬租賦方交割城子宋俊趙良嗣請以十萬之數
希尹笑而不答復云二十萬希尹曰此一小縣之數
也皇帝已與兩府議不須論租賦止於歲幣外增一
百萬緡儻有難色不如且畫契丹故疆良嗣力爭不

勝自是國中有背盟意卒啟兵端

大金國志

天會二年遼

主天祚率諸軍出夾山南下武州遇希尹軍戰於奄
遏下水希尹率山西漢兒鄉兵爲前驅以國兵千餘
騎伏山間遼兵驚潰天祚奔山金司與小胡魯謀南
歸精兵五千人希尹遣婁室勃董領五百騎擊之殲

焉遂禽天祚

大金國志

及宗翰入朝希尹權西南西北兩

路都統是時夏人已受盟遼主已獲耶律達實

原作大石

自立而夏國與羅索書責諸帥棄盟軍入其境多掠

取者希尹上其書且奏曰聞夏使人約達實取山西

諸部以臣觀之夏盟不可信也上曰夏事酌宜行之

軍入其境不知信與否也達實合謀不可不察其嚴

備之

金史本傳

其後伊都謀反希尹自雲中間其事見二

人交馬議事伊都事覺伏誅

大金志傳

及大舉伐宋希尹

爲元帥右監軍再伐宋執二主以歸師還賜希尹鐵

券除常赦

史作當赦依宏簡錄改

不原之罪餘釋不問宗翰伐

康王希尹追之於揚州康王遂去後與宗翰俱朝京師請立熙宗爲儲嗣太宗遂以熙宗爲安班貝勒及熙宗卽位希尹爲尙書左丞相兼侍中加開府儀同三司希尹爲相有大政皆身先執咎天眷元年乞致仕不許罷爲興中尹二年復爲左丞相兼侍中俄封

陳王與宗翰共誅宗磐宗雋

金史本傳

希尹嘗副宗翰用

事雖爲諸將所忌而嘗以智得免宗翰以下皆不能及也然熙宗畏其智數深切忌之

大金志

三年賜希尹

詔略曰

金史本傳

開府儀同三司尙書左丞相陳王希尹

猥以軍旅之勞寢備宰輔之列陰懷險忍出其天資

茂視同寮事輒異論密植黨與肆爲誕謾外擅國家
之利內睽骨肉之恩日者帥臣密奏奸狀已萌心在
無君言宣不道逮燕居而竊議謂神器以何歸稔於

聽聞遂致彰敗

金史節要

遂賜死并殺右丞蕭慶并希尹

子

金史本傳

昭武大將軍

宏簡錄

同修國史巴達

原作

把答符寶

郎滿達

原作漫帶

是時熙宗未有皇子故嫉希尹者以此

言譖之

金史本傳

初客星守魯希尹占之太史曰不在我

分野外方小災無傷未幾七月宋兗魯處滕諸王同

日誅死至九月客星守陳太史以告宇文宇文以語

之希尹不以爲怪是月果同蕭慶誅其應天道如此

大金 皇統三年上知希尹實無他心而死非其罪金史

本傳 宗憲復以爲言本紀 贈希尹儀同三司邢國公改葬

之蕭慶銀青光祿大夫天德三年追封豫王正隆二

年例降金源郡王大定十五年諡貞憲金史本傳 圖像衍

慶宮配享太祖廟廷依詳校本增 明昌五年正月以頁嚙

原作頁魯 希尹爲女直字詔加封贈陳言者謂頁魯希尹

二賢勅置女直文字乞各封贈名爵建立祠廟令女

直漢人諸生隨拜孔子之後拜之有司謂頁嚙難以

致祭若金源郡貞獻傳作貞憲 王希尹則已配享太廟矣

亦難特立廟也有旨令再議之禮官言前代無勅製

文字入孔子廟故事如於廟後或左右置祠令諸儒

就拜亦無害也尙書省謂若如此恐不副國家厚功

臣之意遂詔令依蒼頡立廟於盤屋例爲立廟於上

京納爾琿莊

金史禮志

歲時致祭令其子孫拜奠本路官

一人及本千戶春秋二祭

章宗紀

所用諸物從宜給之

金史禮志孫守道守貞守能守道自有傳

金史本傳

守貞本名蘇頁

宏簡錄作左廩

貞元二年襲祖穆昆大定初

充符寶祇候

宏簡錄

授通進除彰德軍節度副使遷北

京留守移上京

金史本傳

坐娶安置契丹戶民女杖責除

名

宏簡錄

二十五年起爲西京警巡使世宗愛其剛直

授中都左警巡使遷大興府治中進同知改同知西
京留守事御史臺奏守貞治有善狀世宗因謂侍臣
曰守貞勲臣子又有材能全勝其兄守道他日可用
也章宗卽位召爲刑部尙書兼右諫議大夫守貞與
修起居注張暉奏言唐中書門下入閣諫官隨之欲
其預聞政事有所開說又起居郎起居舍人每皇帝
視朝左右對立有命則臨階俯聽退而書之以爲起
居注緣侍從官每遇視朝正合侍立自來左司上殿
諫官修起居注不避或侍從官除授及議便遣始令
避之比來一例令臣等迴避及香閣奏陳言文字亦

不令臣等侍立則凡有聖訓及所議政事臣等無緣得知何所記錄何所開說似非本設官之義若漏泄政事自有不密罪上從之尋爲賀宋生日使還拜參

知政事

金史本傳

時上新政銳意於治嘗問漢宣帝綜核

名實之道因誦樞機詳密品式詳備以對上曰行之果何始答曰在陛下厲精無倦耳

宏簡錄

久之進尙書

左丞授上京世襲穆昆明昌三年夏旱天子下詔罪已守貞惶恐表乞解職詔曰天嗇時雨荐歲爲災所以警懼不逮方與二三菽粥圖回遺闕宜思有以助朕修政上答天戒消沴召和以康百姓卿達機務朕

所親倚而引咎求去其如思助何守貞懇辭乃出知

東平府命參知政事瓜爾佳

原作夾谷

衡論之曰卿勳臣

之裔早登臚仕才用聲績朕所素知故嗣位之初擢任政府於今數載毗贊寶多既久任繁劇宜均適逸安矧內外之職亦當更治今特授卿是命東平素號雄藩兼比年饑歉正賴經畫卿其爲朕往綏撫之仍賜金幣廢馬以寵其行他日上問宰臣守貞治東平如何對曰亦不勞力上曰以彼之才治一路誠有餘矣右丞劉暉曰方今人才無出守貞者淹留於外誠

可惜也上默然尋改西京留守監察御史富拉塔

原作

蒲刺

劾奏守貞前賜北部有所受事不報右拾遺路

鐸上章辯之四年召拜平章政事封蕭國公上御後
閣召守貞曰朕以卿乃太師所舉故特加委用然比
者行事多太過門下人少慎擇復與丞相不協以是
令卿補外載念我昭祖太祖開邦以來乃祖佐命積
有勳勞茲故召用卿其勉盡乃心與丞相議事宜相
和諧率循舊章毋輕改革因賜玉帶併以富拉塔所
彈事與之曰朕度卿必不爾故以示卿舊制監察御
史凡八員漢人四員皆進士而女直四員則文資右
職參注守貞曰監察乃清要之職流品自異俱宜一

體純用進士一日奏事次上問司吏移轉事守貞曰
今吏權重而積弊深移轉爲便上嘗歎文士卒無如
党懷英者守貞奏進士中若趙夔王庭筠甚有時譽
上曰出倫者難得爾守貞曰間世之才自古所難國
家培養久則人材將自出矣守貞因言國家選舉之
法惟女直漢人進士得人居多此舉更宜增取其諸
司局承應人舊無出身大定後才許敘用史作敘使
此依宏簡
錄經董之科古不常設唐以諸道表薦或取五人至
十人近代以爲無補罷之本朝皇統間取及五十人
因爲常選天德間尋又停罷陛下卽位復立是科朝

廷放及百數誠恐積久不勝銓擬宜稍裁減以清流
品又言節用省費之道並嘉納焉先是鄭王允蹈等
伏誅上以其家產均給諸王戶部郎中李敬義言恐
因之生事上又以董壽爲宮籍監都管勾並下尙書
省議守貞奏陛下欲以允蹈等家產分賜懿親恩命
已出恐不可改今已減諸王弓矢府尉司其出入臣
以爲賜之無害如董壽罪人也特恩釋之已爲幸矣
不宜更加爵賞上是守貞所言自明昌初北邊屢有
警或請出兵擊之上曰今方南議塞河而復用兵於
北可乎守貞曰彼屢突軼吾圍今一懲之後當不復

來明年可以見矣上因論守禦之法守貞曰惟有皇
統以前故事捨此無法爾守貞讀書通法律明習國
朝故事時金有國七十年禮樂刑政因遼宋舊制雜
亂無貫章宗卽位乃更定修正爲一代法其儀式條
約多守貞裁訂故明昌之治號稱清明又喜推轂善
類接援後進朝廷正人多出入門下先是上以疑忌
誅鄭王允蹈後張汝弼妻高托噶原作陀獄起意又若
在鎬王允中時右諫議大夫賈守謙上疏陳時事思
有以寬解上意右拾遺路鐸繼之言尤切直帝不悅
守貞持其事獄久不決帝疑有黨乃出守貞知濟南

府事仍命卽辭前舉守貞者董師中路鐸皆補外上
語宰臣曰守貞固有才力至其讀書方之眞儒則未
也然太邀權譽以彼之才而能平心守正朝廷豈可
少離今茲令出蓋思之熟矣俄以在政府日嘗與近
侍竊語宮掖事而妄稱奏下上命有司鞫問守貞款
伏奪官一階解職遣中使持詔責諭之曰挾姦罔上
古有常刑史作古人依
詳校本改結援養交臣之大戒孰謂予
相乃蹈厥辜爾本出勳門踐登臚仕朕初嗣位亟欲
用卿未閱歲時陞爲宰輔每期納誨共致太平蓋求
所長不考其素拔擢不爲不峻任用不爲不專會報

效之弗思輒私權之自樹交通近侍密問起居窺測
上心預圖趨向絲患失之心重故欺君之罪彰指所
無之事而妄以肆誣實未始有言而謂之嘗諫義豈
知於歸美意專在於要君其飾詐之若然豈爲臣之
當爾復觀彈奏益見私情求親識之援而列布宮中
縱罪廢之餘而出入門下而又凡有官使斂爲已恩
謂皆涉於回邪不宜任之中外質之清議固所不容

揆之乃心烏得無愧姑從輕典庸示薄懲

金史本傳承安

元年降授河中防禦使五年改傅勒和扎薩克

原作部羅

火扎節度使久之遷知大興府事

史作都府依詳校本改

時南

鄧用兵山東重地須得大臣安撫復移知濟南卒

宏簡

錄

上聞而悼之敕有司致祭賻贈禮物依故平章政

事富察

原作蕭察

通例諡曰肅守貞剛直明亮凡朝廷議

論及上有所問皆傳經以對上嘗與泛論人材守貞

乃迹其心術行事臧否無少隱故爲胥持國輩所忌

竟以直罷後楚秉文由外官入翰林遽上書言願陛

下進君子退小人上問君子小人謂誰秉文對君子

故相完顏守貞小人今參知政事胥持國

金史本傳帝甚

嘉之

守道停

曹昂賦冷巖相公所居詩云或爲孟或爲

鍾人心自與山本同天清雲遠望不極小孤宛在江

流中澗之毛可僅莒山之木可斤斧唯自白雲高崔
嵬風吹不消自太古峴山何奇羊子所攀東山何秀
謝公往還今爾胡爲藉甚乎人間吁嗟乎冷山注冷
巖賢宰相宗室守貞自號也

中州集

其爲天下推重如

此

金史本傳

宗幹本名幹布

原作幹本

太祖庶長子

金史本傳

次室費摩

原作

裴氏生

宏簡錄后妃傳

太祖伐遼遼人來禦遇於境上使宗

幹率眾先往填塹士卒畢度渤海軍馳突而前左翼
七穆昆少卻遂犯中軍杲輒出戰太祖曰遇大敵不
可易也使宗幹止杲宗幹馳出杲前控止導騎齊達

馬杲乃還達噶

原作達魯古

城之戰宗幹以中軍爲疑

兵太祖既攻下黃龍府卽欲取春州遼主聞黃龍不守大懼卽自籍宗戚豪右少年與四方勇士及能言

兵者皆隸軍中宗幹勸太祖毋攻春州休息士卒太

祖以爲然遂班師宗幹得降人言秦州無守備可取

於是舍音

原作斜也

取秦州宗雄宗幹下金山縣宗雄卽

以兵三千屬宗幹招集未降諸部宗幹擇土人之材

幹者以詔書諭之於是孟古

原作女固

脾室四部及渤海

人皆降太祖克臨潢府至沃赫

原作沃黑

河宗幹諫曰地

遠時暑士罷馬乏若深入敵境糧餉不繼恐有後艱

上從之遂班師從都統杲取中京

金史本傳

宗翰移書於

杲請進兵使者再往

杲

不能決宗幹謂杲曰伊拉

齊

原作移賚

貝勒灼見事機再使來請彼必不輕舉且彼

已發兵不可中止請從其策再三言之杲乃報宗翰

會奚王嶺

金史本傳

期於羊城深會軍

宗翰

襲遼至五院

司

金史本傳

復破耿守忠兵當時無宗幹言杲終無進兵

意

宏簡錄

太宗卽位以宗幹爲古倫

原作國論

貝勒與舍音

同輔政天會三年

金史本傳

遼主旣獲

宏簡錄

始議禮制度

正官名定服色興庠序設選舉治厯明時皆自宗幹

啟之四年官制行詔中外十年熙宗爲安班貝勒宗

幹爲古倫左貝勒熙宗卽位拜宗幹太傅與宗翰等並領三省事天眷二年進太師封宋國王入朝不拜策杖上殿仍以杖賜之宗幹有足疾詔設座奏事無何監修國史皇統元年賜宗幹輦輿上殿制詔不名

上幸燕京宗幹從有疾上親臨問自燕京還至野狐

嶺宗幹疾亟不行復臨問

史作上親臨問此依宏簡錄

語及軍國

事上悲泣不已明日上及后同往視后親與宗幹饋

食至暮而還

金史本傳

因赦罪囚以禳五月己酉薨

宏簡錄

上哭之慟輟朝七日大臣死輟朝自宗幹始上致祭是日庚戌太史奏戌亥不宜哭上不聽曰朕幼冲時

太傅有保傅之力

金史本傳

君臣之義骨肉之親豈可避

之遂哭之慟

熙宗紀

上生日不舉樂上還上京幸其第

視殯事及喪至上京上臨哭之及葬臨視之海陵築
立追謚憲古宏道文昭武烈章孝睿明皇帝廟號德
宗以故第爲興聖宮大定二年除去廟號改謚明肅
皇帝及海陵廢爲庶人二十二年皇太子允恭奏略
曰追維熙宗世嫡統緒海陵無道弑帝自立崇正昭
穆削其煬王俾齒庶人之列瘞之間曠不封不樹旣
已申大義而明至公矣海陵追崇其親逆配於廟今
海陵旣廢爲庶人而明肅猶竊帝尊之名列廟祧之

數海陵大逆正名定罪明肅亦當緣坐是時明肅已
殂不與於亂臣以爲當削去明肅帝號止從舊爵或
從太祖諸王有功例加以官封明詔中外俾知大義
書奏世宗嘉納下尙書省議於是追削明肅帝號封
爲皇伯太師遼王諡忠烈妻子諸孫皆從封降明昌
四年配享太祖廟廷子充亮充襄亮是爲海陵庶人
金史本傳宗幹不幸而有海陵故其子孫之昌熾旣鮮而
亦不免於僂辱焉本傳贊然金國初建宗雄傳庶事草創
禮志宗幹經始之功本傳贊孰可掩哉宗翰傳贊
充本名寶圖美原作神土懣母李氏千戶李靖之妹曰金

哥松漢嫡母圖克坦原作徒單氏海陵撫爲子熙宗初加

光祿大夫天眷間爲汴京留守皇統閒封淄國公爲

吏部尙書進封代王遷同判大宗正事九年拜右丞

相是歲薨追封鄭王大定二十二年追降儀同三司

左丞相子塔納原作檉奴元努原作元奴額布勒原作補兒阿里

布原作阿里白

永元字愔禮本名元努原作元奴幼聰敏日誦千言皇統

元年試宗室子作詩永元中格善左氏春秋通其大

義天德初授博諾原作百女山世襲明安海陵伐宋已渡

淮軍士多亡歸而契丹叛由是疑宗室益甚已殺永

元弟塔納

原作檀奴

阿里布

原作阿里白

而永元與弟額布勒

原作耶補兒

逃匿得免世宗卽位於遼陽與額布勒俱來

歸上慰勞甚厚授宗正丞改符寶郎爲灤州刺史授

世襲明安乞以穆昆與額布勒詔許之轉棣州防禦

使泰甯軍節度使張宏信通檢山東專以多得民間

物力爲功督責苛急永元面責宏信曰朝廷以差調

不均立通檢法今使者所至以殘酷妄加農民田產

箠擊百姓有至死者市肆賈販有贏虧田園屋宇利

入有多寡故官子孫閉門自守使與商賈同處上役

豈立法本意哉宏信無以對自是棣州賦稅得以實

自古遷震武軍節度使大定六年丁母憂起服崇義

軍節度使徙順義軍朔州西境多盜而得吏大姓又

蠹獄訟

又字依詳
校本指

督亂賊役永元剔其宿姦百姓安

之

金史
本傳

會與濬州防禦使幹論坐孳畜小過俱解職

頃之起爲保大軍節度使歷昭義絳陽震武軍遷濟

南尹北京副留守改興中尹終彰德軍節度使年五

十一

宏簡
錄

喪過中都遣使致祭賻銀三百兩綵十端

絹百匹永元歷典大藩多知民間利害所至稱治相

楛順義政迹尤著其民並爲立祠

金史
本傳

充本名梧桐皇統七年爲左副點檢轉都點檢九年

爲會甯牧改左宣徽使海陵篡立兗使宋還拜司徒

兼都元帥領三省事進拜太尉

金史本傳

賜以太祖妃蕭

氏財產

安簡錄

罷都元帥府立樞密院兗爲樞密使太

尉領三省事如故天德四年十二月晦薨明日貞元

元年元旦海陵爲兗輟朝不受賀宋夏高麗回鶻賀

正旦使命有司受其貢獻又進兗王爵大定二十二

年追降特進子阿哈大定中爲符寶祇候俄遜同知

武定軍節度使上曰汝歲秩未滿朕念乃祖乃父爲

汝選官勿爲不善當盡心學之

金史本傳

襄本名永慶海陵母弟爲輔國上將軍卒天德二年

追封衛王再贈司徒大定二十二年追降銀青光祿

大夫子和尙應封國公賜名樂善

金史本傳

大定間家奴

小僧月一妄言和尙寢有異徵襄妃僧酷以爲信然

召曰者李端卜之云當爲天子司天張友直亦云當

大貴別奴李添壽上變下僧酷和尙於獄驗問有狀

皆伏誅

宏簡錄

上曰朕嘗痛海陵翦滅宗族今和尙所

爲如此欲貸其罪則妖妄誤惑愚民者便以爲真不

可不滅朕於此子蓋不得已也傷閔者久之

金史本傳

袞本名富勒堅

原作蒲甲

亦作博洽桀驁强悍

金史本傳

初爲

輔國上將軍天德初加特進封王爲吏部尙書判大

宗正事坐語禁中起居狀與承旨宗秀護衛麻吉小

底王之章皆決杖有差

宏簡錄

未幾授明安及遷中都

道中以爲西京留守西京兵馬完顏穆隆阿

原作謀盧瓦

與富勒堅有舊同在西京遂相往來富勒堅嘗以玉

帶遺之

金史本傳

稱其驍勇不減尉遲敬德編修官圖福

努

原作福奴

之妻與富勒堅姻戚圖福努嘗戒富勒堅曰

大王名太彰宜少謙晦

金史本傳

家奴哈里

原作喝里

知海陵

疑之乃上變言與穆隆阿等謀反嘗召日者問天命

御史大夫高慎刑部侍郎耶律賽音

原作耶律慎

就西京

鞠之無狀海陵怒使人往械至中都不復究問斬之

於市

金史本傳

宗弼本名烏珠

原作幹

又作兀朮亦作幹出或作晃幹

出太祖第四子也

金史本傳

元妃烏庫哩

原作烏古論

氏生簡

錄

生時穹廬中鬱鬱有氣爲人豪蕩膽勇過人猿臂

善射遇戰酣出入陣中部眾憚之

大金志傳

同兄宗望在

軍營率百騎馳擊盧孛古伊勒希

原作野里斯

等敗之矢

盡奪遼兵士槍獨殺八人仍同襲取遼主於鴛鴦濼

宏簡錄

既滅遼駭駭氣餒虎視中原

大金志紀

及宗望伐宋

宗弼從軍取湯陰縣降其卒三千人至御河宋人已

焚橋不得渡克爾叟

原作台魯索

以七十騎涉之殺宋焚

橋軍士五百人宗望遣吳孝民入汴諭宋人宗弼以

三千騎薄汴城宋上皇出奔選百騎追之弗及獲馬

三千而還

金史本傳

復從宗輔徇地淄青敗宋鄭宗孟數

萬眾遂克青州復破賊將趙成并黃瓊軍取臨朐軍

還遇敵三萬於河上擊敗之殺萬餘人

宏簡錄

天會六

年七月宋主遣使奉表請和詔進兵伐之

太宗紀

宗弼

攻開德府糧乏轉攻濮州前鋒烏凌阿

原作烏林苔

托雲

原作

破王善二十萬眾遂克濮州降旁近五縣

金史本傳

復攻開德府先登舊擊破之攻大名軍復先登河北

平

宏簡錄

宋主自揚州奔於江南宗弼軍分道伐之進

兵歸德城中有自西門北門出者當堪

原作當海

復敗之

乃絕隍築道列破隍上將攻之城中人懼遂降

金史本傳

又攻下隍陽至壽春宋安撫使馬世元率官屬出迎

進下廬州再降巢縣王善軍

宏簡錄

當堪等破鄆瓊萬

餘眾於和州渡江將至江甯西二十里宋杜充率步

騎六萬來拒戰呼拉布

原作鶻盧補

當堪達呼

原作迪虎

大臭

合擊破之宋陳邦光以江甯府降留長安努

原作長安奴

烏哩雅

原作幹里也

守江甯使阿里布

原作阿魯補

烏哩雅別

將兵徇地下太平州濠州及句容溧陽等縣泝江而

西屢敗張永等兵杜充遂降宗弼自江甯取廣德軍

路

金史本傳

進兵過獨松嶺曰南朝可謂無人若以羸兵

數百守此吾豈能遠渡哉

大金志紀

追襲宋主於越州至

湖州取之

金史本傳

遂至餘杭官守巨室皆逃去遂克杭

州留城中宋主走入於海分麾下兵會攻明州克之

而自引兵取秀州與平江

宋簡錄

回至鎮江韓世忠以

舟師扼江口宗弼舟小契丹漢軍沒者二百餘人

金史

本傳於是宗弼循北岸世忠循南岸且戰且行世忠聲

艫大艦數倍宗弼軍出宗弼軍前後數里擊柝之聲

自夜達旦世忠以輕舟挑戰一日數接將至黃天蕩

乃因老鹳河故道開三十里通秦淮一日一夜而成

金史本傳次早出舟世忠尾擊敗之大金志紀宗弼刑白馬殺

婦人自刃其額以祭天

大金志傳

終不得濟乃揭榜募人

獻所以破海舟之策有教其於舟中載土以平版鋪之穴船板以樅柴俟風息則出江有風則勿出海舟無風不可動也以火箭射鷁蓬則不攻自破矣一夜

造火箭成是日引舟出江其疾如飛天霽無風海舟皆不動以火箭射鷁蓬世忠軍焚溺而死者不可勝

數世忠與餘軍至瓜州棄舟而陸奔宗弼輜重自瓜

州舳舻相銜至六合不絕

大金志紀

渡江北還

金史本傳

左監

軍達蘭

原作捷蘭

詢其無功欲再侵江南

大金志傳

方躊躇江

上未有進退之計會聞宋人出陝右因而應之

大金志紀

遂從宗輔定陝西與張浚戰於富平宗弼陷重圍中

韓常流矢中目怒拔去其矢血淋漓以土塞創

金史本傳

宗弼躍馬奮呼俱出搏戰遂敗浚軍

宏簡錄

又與阿里

布招降鳳河涇原兩路及攻吳玠於和尚原抵險不

可進方退軍遇伏行三十里將至平地宋軍陣於山

口宗弼大敗將士多戰沒明年復攻和尚原克之天

會十五年爲右副元帥封藩王天眷二年白軍中入

朝拜都元帥進封越國王

宏簡錄

察知達蘭與宋人交

通賂遺以河南陝西地與宋奏請誅達蘭復舊疆是

時宗磐已誅達蘭在行臺復與呼蘭

原作
鵠懶

謀反會置

行臺於燕京詔宗弼爲太保領行臺尙書省都元帥
如故往燕京誅達蘭自燕京南走將亡入於宋
追至祁州殺之詔諸州郡軍旅之事決於帥府民訟
錢穀行臺尙書省治之宗弼兼綜其事遂議南伐太
師宗幹以下皆曰構蒙再造之恩不思報德妄自鵬
張祈求無厭今若不取後恐難圖上曰彼將謂我不
能奄有河南之地且都元帥久在方面深究利害宜
卽舉兵誅之遂命元帥府復河南疆土

金史
本傳

詔由黎

陽趨汴遣孔彥舟下汴鄭兩州王伯龍取陳州李成

取洛陽自率眾至亳州及順昌府蒿汝等州相次皆

下因天暑還軍於汴河南平

宏簡錄

時天眷三年也

金史

本傳是秋宗弼再提兵與宋將岳飛戰至朱仙鎮得宋

朝班師詔而還

大金志紀

上遣使勞問加太保有功將士

三千並授忠勇校尉又攻克石嵐保德九月壬寅

宏簡

錄

宗弼入朝是時上幸燕京見於行在所居再旬宗

弼還軍上起立酌酒飲之賜以甲冑弓矢及馬二匹

已啟行四日召還至日希尹

原作古新

誅

金史本傳

初宗翰朝

辭已畢眾官餞於燕都檀州門裏宗弼甲第酒酣皆

各歸惟希尹獨留嗜酒鬻宗弼首曰鼠輩豈容我鬻

哉汝之軍馬能有幾何天下之兵皆我也言語相及

宗弼佯醉急走次早以辭皇后為名泣告皇后后曰

叔且行容款奏帝爾宗弼至良鄉召還二字從本傳節密奏

帝入希尹所居宅第執而數之賜死神麓記越五日宗

弼還軍進伐淮南克廬州金史本傳敗於柘臬大金志傳退屯

於紫金山大金志紀復朝燕京詔與宰相同入奏事拜左

丞相兼侍中兼修國史詔以燕京復隸尚書省西京

及山後諸郡部族隸元帥府七月己酉還軍宏簡錄遂

伐江南渡淮以書責讓宋人宋人答書乞加寬宥金史

本復以書抵秦檜曰爾朝夕請和而岳飛方為河北

圖必殺岳飛而後可和檜既奏誅飛及張憲岳雲

大金

志紀宗弼令宋主遣信臣來稟議宋主乞先斂兵許做

邑拜表闕下

金史本傳

宋遣莫將周聿往京西充割地使

割唐鄧等州入於金又割商秦州和尚方山原入於

金宋止存上津豐陽天水三邑及隴西成紀餘地而

已

大金志紀

宗弼以優宣約以畫淮水爲界皇統二年二

月

熙宗紀

宗弼朝京師宋主遣端明殿學士何鑄容州

觀察使曹勛等

本傳無曹勛字佖王倫傳增入

進誓表其表曰臣構

言今來畫疆令以淮水中流爲界西有唐鄧州割屬

上國自鄧州西四十里并南四十里爲界屬鄧州其

四十里外并西南盡屬光化軍爲敝邑沿邊州城旣
蒙恩造許備藩方世世子孫謹守臣節每年皇帝生
辰并正旦遣使稱賀不絕歲貢銀絹二十五萬兩正
自壬戌年爲首每春季遣人般送至泗州交納有渝
此盟明神是殛墜命亡氏蹈其國家臣今旣進誓表
伏望上國蚤降誓詔使敝邑永有憑焉宗弼進拜太
傅迺遣左宣徽使劉筈使宋以袞冕圭寶珪玉册
册康王爲宋帝其册文曰皇帝若曰咨爾宋康王趙
構不弔天降喪於爾邦亟瀆齊盟自貽顛覆俾爾越
在江表用勤我師旅蓋十有八年於茲朕用震悼斯

民其何罪今天其悔禍誕誘爾衷封奏狎至願身列
於藩輔今遣光祿大夫左宣徽使劉筈等持節冊命
爾爲帝國號宋世服臣職永爲屏翰嗚呼欽哉其恭
聽朕命仍詔天下賜宗弼人口牛馬各千駝百羊萬
每歲宋國進貢內給銀絹二千兩疋表乞致仕不許
優詔答之賜以金券七年爲太師領三省事都元帥
領行臺尙書省如故八年薨海陵時使施宜生撰墓
銘施宜生傳大定十五年諡忠烈十八年配享太禮廟廷
金史圖像行慶宮禮志于伯特金史宗弼盛宋主於海
島卒定畫淮之約熙宗舉河南陝西以與宋人矯而

正之者宗弼也宗翰死宗磐宗雋達蘭澁溺富貴人
人有自爲之心宗幹獨立不能如之何時無宗弼金
之國勢亦曰殆哉世宗嘗有言曰宗翰之後惟宗弼
一人非虛言也

本傳贊

初宗弼病篤親筆遺四行府帥

曰吾天命壽短恨不能與國同休少年勇銳冠絕古
今事先帝南征北討爲大元帥左都監行營號太子
軍東游海島南巡杭越西過興元北至小不到雲城
今契丹漢兒侍我久服心於吾吾大慮者南宋近年
軍勢雄銳有心爭戰聞韓張岳楊列有不協國朝之
幸我今危急雖有其志命不可保遺言於汝等我死

後宋若敗盟大舉北來乘勢惑中原人心復故土如反掌不爲難矣吾囑付汝等切宜謹守勿忘我戒如宋兵果勢盛敵強擇兵馬破之若制禦所不能向與國朝計議擇用智者爲輔遣天水郡王安坐汴京其理無有弟與兄爭如尙悖心可輔天水郡王併力破敵如此又可安中原人心亦未深爲國患無慮者一也宋若守我誓言奉國朝命令時通國信益以和好悅其心目不數歲後供需歲幣色色往來竭其財賦安得不重斂於民江南人心奸狡旣擾亂非理人心必作叛亂無慮者二也十五年後南軍衰老縱用賢

智亦無驅使無慮者三也俟其失望人心離怨軍勢
隳壞然後觀其舉措此際汝宜一心選用精騎謀用
材略備其水陸取江南如拾芥何難爲哉爾等切記
吾囑吾昔南征目見宋人兵器大妙者不過神臂弓

次者重斧外無所畏今付樣造之元帥死贈大孝昭

烈皇帝

征蒙記

順昌之戰金人震懼宗弼故亟欲和意

捐燕以南棄之而秦檜亟班師一時名將誅翦罷逐

不遺餘力

大金志紀

觀宗弼臨終堅守和好之說

大金志傳蓋

深幸南人未知北問事耳

韓常傳

然洪皓在燕密奏金

國厭兵終卑詞厚幣屈節議和南北之不復合豈非

天哉

大金志紀

亨本名伯特

原作李送

兀朮子

大金志紀

熙宗時封芮王爲明

安加銀青光祿大夫天德初加特進海陵忌太宗諸

子將謁太廟以亨爲右衛將軍

金史本傳

密諭之曰朕疑

太宗諸子太彊得卿衛左右可無慮耳

太宗諸王傳

海陵

賜良弓亨性直材勇絕人喜自負辭曰所賜弓弱不

可用海陵遂忌之出爲真定尹歷中京東京留守

金史

本傳家奴梁遵誣告與衛士符公燭謀反考驗無狀遵

坐誅海陵益忌之改除廣甯尹

宏簡錄

以李老僧爲同

知廣甯尹使伺察亨構致其罪亨喜博及至廣甯與

老僧博待之甚厚老僧由是不忍致亨死罪遲疑久

之海陵再使實達爾額琳

原作小底訛論

促老僧乃與亨家

奴六斤謀殺亨獄中

李老僧傳

亨擊鞠爲天下第一嘗獨

當數人馬無良善皆如意馬方馳輒投杖馬前側身

附地取杖而去每咬獵持鐵連錘擊狐兔一日與海

陵同行道中遇羣豕曰吾能以錘殺之擊中其腹穿

入之終以勇力見忌焉正隆六年復殺亨如圖克坦

氏

原作徒單氏

次如大氏子德音

原作羊蹄

等三人大定初追

復亨官爵封韓王十七年詔有司改葬及妻子

金史本傳

偉忠烈王兀朮之次子也

此金史不載由大金志採入

性耿介習

兵事大定十七年四月三日國主與太子諸王在東苑賞牡丹晉王允猷賦詩以陳和者十五人偉探知其意直前頓首言曰國家起自漠北君臣將帥皆以勇力戰爭雄略故能滅遼滅宋混一南北諸番畏懼自近年多用遼宋亡國諸臣以富貴文字壞我土俗先臣昔在瀕昌爲劉錡所敗便言用兵不如天會時皆是年來貪安漸爲人侮今宋所傳之主有志報復膝骨不受調役夏人亦復侵邊陛下舍戰鬪之士謂其不足與語使說文字人朝夕在側不知三邊有急把作詩人去當得否主默然左右皆駭目相顧知內

省事余萬福向前扶之曰皇帝方懽飲耶君卻作苦
惱人語邪扶起去之自是文武分黨如冰炭矣承安
元年内侍江淵用事太后與主皆信之淵公受賂遺
除拜生殺皆出其口或以事不入則機務填塞不卽
報下張克己等朝夕候其門下夏人入寇陝西喪師
連年皆不卽以聞偉上疏諫在都堂慷慨謂右諫議
鄭遂良等曰太宗皇帝與忠獻忠烈王百戰以有天
下忠烈王臨終以夏人蒙人爲憂遺奏極切今乃內
外偷安惡聞敵患獨不聞耶律趙氏將亡之時乎淵
聞而惡之諷東臺御史劾其短除名爲民徙居代州

偉既敗中外惕息

大金志紀

昌本名達蘭

原作撻懶

穆宗子

金史本傳

武元從弟也爲人驍

勇無賴少時暴橫部落苦之武元愛其尙爽從破燕

山

大金志傳

復從宗翰襲遼主於鴛鴦濛追都統瑪格

原作

馬哥

不及收其羣牧獲樞密使德勒岱

原作得里底

及其子

摩格

原作摩哥

納延

原作那里

以還及太祖自將襲大魚濛留

輜重於草濛使達蘭雅穆

原作牙卯

守之奚路險阻經畧

爲難兵官瑛楚

原作澤黜

不能安撫其眾命爲六路軍帥

鎮之時回鹘保部族來附餘眾奔潰命實古納

原作習古

迺

博勒和

原作盧火

護送赴燕戒以若遇險阨卽分兵

以行

宏節錄

實古納博勒和迺合於達蘭

金史本傳

其後撫

定奚部及分兩路邊界表請設官鎮守上依東京渤

海例置千戶穆昆久之討噶珊

原作勅山

蘇庫

原作速古

部奚

人因據險來戰殺獲殆盡其蘇庫卓琳

原作賢里

托紐

原作

鐵尼十三巖皆平之又遣奚馬和尙攻下品達魯古并

五院司諸部執其節度乙列詔以克副所託良用嘉

歎建州約尼扎古雅

原作遙鞏照古牙

部族乃遼外戚達蘭

擊走之獲其妻孥及官豪之家又擒殺隊將克爾更

博斯呼

原作曷魯燥白撒葛

降民戶千餘進降金源縣詔增賜

銀牌十又降約尼二部再破興中兵降建州官屬得

山砦二十村堡五百八十扎古雅勢蹙亦降詔第將士功賞撫安新民達蘭請以約尼九營爲九明安上以都林原作奪鄰有功使領四明安扎古雅仍爲親管明

安其五明安都帥命達蘭擇人授之達蘭與劉彥宗舉蕭公翊爲興中尹郡府各以契丹漢官攝治上皆從之乃以爲六部都統從伐宋已受宋盟還軍歸中

京八月復征與阿里庫原作阿里剌攻杞縣破宋兵二萬

覆其三營獲東京路都總管胡直孺及其二子并南路都統制隨師元及其二將遂克拱州降甯陵破睢陽下亳州宋兵復睢陽又擊走之擒其將石瑱大軍

北還宏簡錄

爲元帥左監軍徇地山東取密州達呼

原作

處取單州達蘭取鉅鹿阿里庫取宗城達呼布

原作

不取清平臨清蒙克

原作

取趙州阿里庫徇下潞滑

恩及高唐分遣諸將趣磁信德皆降之劉豫以濟南

府降詔以豫爲安撫使治東平達蘭以左監軍鎮撫

之

後爲右副元帥六字依詳校本削

大事專決焉天會十五年爲左

副元帥封魯國王

金史本傳

張邦昌被誅詔諸將復求可

立者乃力舉劉豫及豫廢達蘭倡議以廢齊舊地界

宋

宏簡錄

宗弼爲都元帥再定河南陝西伐宋渡淮宋

康王乞和遂稱臣畫淮爲界乃罷兵

金史本傳

達蘭以久

持兵柄謀反有狀詔以屬尊有大功因釋不問出爲

行臺左丞相手詔慰遣既至燕京愈驕肆不法復與

翼王呼蘭

原作
鶴懶

有謀朝議漸悉其與宋交通復有上

變告者

宏簡
錄

熙宗乃下詔誅之

金史
本傳

詔曰先王制賞

議罰賞所以褒有功非濫恩也罰所以罰有罪非濫

怒也朕惟國相達蘭輔佐先帝曾立邊功迨先帝上

仙朕承繼丕業眷維元老俾董征誅不謂持吾重權

陰懷異議國人皆曰可殺朕躬非故私徇奏對悖慢

理當棄磔以彰厥過嗚呼四皓出而復興漢室二叔

誅而再造周基去惡用賢其鑒斯在布告中外咸使

聞知金節

并殺翼王及宗人呼勒希圖

原作活
离胡土

達蘭

二子威泰

原作
幹帶烏達布

原作烏
達補

而赦其黨與

金史
本傳

吉林通志卷八十

人物志九

金八

薩里罕

錫默阿里

托克索

富埒琿

阿里布

赫木頗

德克德

額圖琿

寶納

穆都哩

達呼布

和珍

薩里罕

原作撒爾喝大金志作撒
離曷金石萃編作薩甲干

一名杲安帝六代

孫泰州博勒和

原作婆
盧火

之族和勒博織之孫

原作胡
魯補山

雄偉有才略

金史本傳

世祖養以爲子太祖愛之常令在

軍故不隨遷仍居按春水

原作安出虎宏簡錄

以驍勇見知於

宗翰

大金志

伐宋

宗翰傳

爲萬戶

大金志

克汴北

還宗望分

遣諸將定河北左都監棟摩

原作闍母

攻下河間雄州李

成棄城走薩里罕邀擊大破之雄州遂降

金史本傳

宗輔

經略山東留軍河上真定賊自稱元帥秦王擊破其

眾執而戮之

宏簡錄

婁室征陝西薩里罕副之天會九

年十月

繫年要錄

宗弼軍敗於和尚原

金史本傳

自河東還燕

山左副元帥宗維

金史宗翰作

留宗弼在軍中更以薩里

罕爲陝西經略使

繫年要錄

徇地自渭以西降順德軍又

降脫原路鎮戍軍進平熙河降甘泉等二堡遂取保

川城明年同殲都

原作奔視

討平河外降甯洮安隴二寨

並降下河及樂河至西甯盡降其都護官屬於是瑪

爾布族長等皆迎降攻慶陽敗其拒者遂降其城慕

洧以環州來降得城寨十三步騎一萬於是上褒美

薩里罕而戒勵宗弼睿宗已定陝西留兵屯衝要使

薩里罕總之居無何請收劍外十三州與宋王彥之

軍七千人遇於沙會濼敗之

金史本傳

入洵陽界宋將邵

龍敗走

大金志

遂克金州連破吳玠諸軍於饒風關

金史

本傳募死士由饒風之左援崖而上升遂克祖溪關

大金

志 取真符縣及洋州入興元府敗吳玠軍於固鎮擒

其兩將盡下諸砦及仙人關金史本傳時十二年二月丁

酉也太宗紀是年冬十一月疆場無事獵於梁山之陽

至唐乾陵經略郎君行記碑題名而記其事金石萃編十四年為

元帥右監軍未幾為右副元帥金史本傳天眷元年遷左

監軍二年遷左副元帥大金志三年宗弼復取河南金史

本傳隆里罕自河中渡河入同州界破永興軍及鳳翔

府陝右大恐既而折合孛堇戰敗中傷退屯武功和

議再成南北不復戰矣大金志皇統三年封應國公賜

資甚厚熙宗出獵賜具裝馬二命射於圍中加開府

儀同三司將還軍命宰臣餞之海陵升蒲州爲河中
府薩里罕爲尹左副元帥如故自陝西入朝因從容
言曰唐建成不道太宗以義除之卽位以後力行善
政後世稱賢陛下以前主失德大義廢絕力行善政
則如唐太宗矣海陵聞其言色變旣而進封國王以
爲行臺左丞相兼左副元帥又恐不奉命陽尊以殊
禮使係屬籍以玉帶璽書賜之至汴詔諭右丞相右
副元帥撻不野無使薩里罕預軍事薩里罕不知每
事輒爭之撻不野詭曰太師梁王以陝西事屬公以
河南事屬撻不野今未嘗別奉詔命陝西之事撻不

野固不敢干涉撻不野久在河南將士畏而附之薩里罕始至勢孤爭之不得白於朝大臣希上旨報曰如梁王教使撻不野獨有附奏薩里罕不得預聞人皆知海陵使撻不野圖之矣

金史本傳

帥府令史約索

原作遙設

希意誣薩里罕父子并平章宗義尙書謀里野

等謀反約索學薩里罕手署并印文詐爲家書與其子宗安從左都監瑣都上變

宏簡錄

封題作已經開拆

者書隱約有白字作曾經水浸致字畫分明者稱宗安於宮門外遺下此書約索拾得之

金史本傳

辭云阿格

原作阿潭

汝安樂否早晚到闕下前者走馬來時曾議論

我教汝阿格平章穆里延阿格等處覷事勢再通往
來緩急圖謀知汝已嘗備細言之穆里延阿格所言
曠是只殺托卜嘉則南路無憂慮矣

宗義傳

又曰撻不

野自來於我不好應是知得上意遲緩分毫猜疑必
落他手也阿格每見此書約定日月教薩古令史卻
寫白字書來有司鞠問宗安不服曰使真有此書我
剖肌肉藏之猶恐漏泄安得於朝門遺之有司答掠
楚毒薩古不能堪自誣服宗安神色不變曰今雖無
以自明九原之下必有冤對吾終不能引屈竟不服
而死宗義謀里野皆被害遂使色埒渾

原作所

殺薩

里罕於汴族其家親屬坐死者二十餘人大定初詔

復官爵三年追封金源郡王諡莊襄以郡王品秩官

爲營葬圖像衍慶宮

五字依詳校本增

十七年配享太宗廟

廷宏簡

錄

錫默

原作斜卯

阿里珠卜奇

原作朮吉

水錫默部人

宏簡

父歡

塔

原作渾坦

穆宗時內附數有戰功阿里年十七從伯父

和摩爾噶

原作胡麻谷

討卓多

原作詐都

獲其弟薩勒扎

原作阿里

只高麗築九城於海蘭甸歡塔攻之遇敵於穆爾茂

原作木

甸力戰久之阿里挺槍刺其將於陳中敵遂

潰歡塔與碩碩歡

原作石

合兵於圖們

原作徒門

阿里首

敗敵兵取其二城高麗入寇以我兵屯守要害不得

進乃還阿里迫及於海蘭

原作曷懶

水高麗人爭走水上

阿里乘之殺略幾盡遂合兵於碩碩歡道遇敵兵五

萬擊走之又與碩碩歡遇敵七萬先登奮擊大敗之

碩碩歡曰汝一日之間三破重敵功豈可忘乃厚賜

之

金史本傳

哈薩額特布

原作幹塞鳥嗜本

攻托津

原作駝吉

城阿里

築橧爲門會已暮不可入以兵守至旦遂取之額特

布遣以被甲乘馬

去簡錄

從太祖攻下甯江州授明安

又從攻信州賓州皆克之遼人來攻貝勒和索哩

原作

忽沙

城阿里率百餘騎救之遼兵數萬阿里兵少乃

令軍士裂衣多爲旗幟出山谷間選兵望見遜去蘇

復州叛眾至十萬旁近女直皆保於太尉和碩

原作胡沙

家築壘爲固敵圍之數重守者糧芻俱盡牛馬相食

其鬃尾人易子而食夜縋二人出告急

阿里字依阿詳校本削

里赴之內外合擊大破其眾於必爾罕

原作闕高密罕水上

斃殺幾盡水爲之不流富埒赫爾吉

原作蒲商古胡什吉水

馬韓島凡十餘戰破數十萬眾契丹奚人聚舟千艘

將入於海阿里以二十七舟邀之中流矢卧舟中夜

始蘇敵船已入王家島卽夜取海路追及之敵走險

以拒復

阿里字依詳校本削

以騎兵邀擊再中流矢力戰不退

竟破之盡獲其舟於是蘇復州博索

原作婆速

路皆平攻

顯州下靈山縣取梁魚務敗伊都

原作余睹

兵功皆最後

與蘇都哩

原作散都魯

屯高州契丹扎古雅

原作照古牙

糾堅

原作九斤

合與中兵數萬攻和爾台

原作胡里特

寨將

阿里字依詳校

以八穆昆兵救之和爾台先往敗於城下阿里指

陣前緋衣者二十餘人曰此必賊酋也麾兵奮擊皆

殺之餘眾大潰來州隰州兵圍和爾台城聞阿里來

救卽解圍去棟摩討張覺有兵出樓峯口山谷間與

阿里字依詳校本

蘇都哩呼拉布

原作忽盧補

三明安擊敗之

金史

本又敗平州兵及伐宋別擊敗宋軍孟陽之役扼橋

渡力戰明年再舉至保州中山累破之進圍真定與

羅索

原作婁室

赫嚙

原作魯

乘風縱火焚其樓櫓諸軍畢登

進克其城師至河上鈕祜祿呼遜

原作祜

擊走宋人

扼河津兵數千遂渡河諸將分出大名境阿里破敵

四百盡殪之圍汴京城中兵二萬夜出將焚攻具與

持嘉暉

原作赤蓋暉

及穆昆察遜雅薩

原作常

孫陽阿禦之其眾

大潰還乃攻降趙州

宏簡錄

六年伐宋主取陽穀莘縣

敗海州兵八萬人降其城

史作海州降此依宏簡錄

敗賊船萬餘

於梁山泊招降滕陽東平泰山羣盜盜攻范縣擊走

之獲船七百艘宗弼攻下睢陽與烏雅富塔琿

原作烏延

蒲盧

先以二千人往招壽器具舟淮水上時宋將康

民

史無宋將字
依詳校本增

聚買船四百與壽春相近珠爾蘇

原

尤列

速以騎四百破康民斬馘數千與當堪

原作
當海

大臭

破賊十萬於淮南比至江連破宋兵獲舟二百艘宗

弼至江甯與富埒瑋別降廣德軍先趣杭州去杭十

餘里遇宋伏兵二千取我前驅甲士三十人阿里使

諸軍去馬搏戰伏兵敗皆逼死於水

金史
本傳

已乃具舟

列於錢塘江宋主奔越球爾蘇等破其城復走明州

宗弼遣阿里富埒瑋引精兵四千襲之

去簡
錄

破東關

兵濟曹娥江敗宋兵於高橋鎮至明州頗失利宋主

已入於海乃退軍餘姚宗弼使當堪濟師遂下明州
執宋守臣趙伯諤進至昌國縣宋主由昌國走温州
由海路追三百餘里弗及與宗弼俱北歸睿宗經略
陝西駐涇州阿里先取渭州睿宗趨熙河阿里綏赫

原作
斜葛

韓常三明安爲前軍十二年與高彪監護水運

宋以舟師阻亳州河路擊敗之追殺六十餘里獲其
將蕭通破漣水水寨賊盡得其大船遂取漣水軍招
徠安輯之天眷閒盜據石州阿里討之鈕祜祿呼遜
與所部先登克其城石州平宗弼再伐宋阿里已老
督造戰船宋稱臣詔賜阿里錢千萬爲迭里部節度

使歷順義泰甯軍歸德濟南尹天德初致仕加特進

封王正隆例降封韓國公召赴闕命造戰船以疾薨

年七十八諡智敏金史本傳大定間定亞次功臣圖像衍

慶宮十三字依詳校本增阿里性忠直多智略自結髮從軍大

小數十戰尤習舟楫江淮用兵無役不從人以水星

目之家故饒財弟兄相友愛以已明安財物盡與弟

阿布哩原作愛拔里阿布哩不肯受逃避歲餘阿里終與

之金史本傳

托克索原作突合速宗室子納罕原作爭罕塞人初隸萬戶實

嘉努原作石家奴麾下嘗領偏師破雲中諸山寇盜宗望

攻平州遣托克索討應州賊平之撫安其民而還及
伐宋在宗翰軍以八穆昆破石嶺關

金史本傳

關猶險隘

太原帥張孝純謀守關之人命冀景景辭孝純不許
復命耿守忠以本部八千助之景復辭孝純曰第如

我語景不得已而往使守忠當其前及至關守忠果

啟而獻之景單騎奔還

大金國志

師至太原祁縣降而復

叛托克索攻下之進取文水縣後從諸師列屯汾州

之境宋河東軍帥郝仲連張思正陝西軍帥張闢索
及其統制馬忠合兵數萬來援皆敗之宗翰南伐至

潞還太原猶未下卽留完顏尼楚赫

原作銀

總督諸

軍經略其地於是宋援兵大至托克索從瑪武原作馬五

烏嚙原作沃魯

破宋兵四千於文水聞宋將黃迪等以兵

三十萬柵於縣之西山復與耿守忠合兵九千擊之

殺八萬餘人獲馬及資糧甚眾宋制置使姚古率兵

至隆州谷托克索與巴爾斯原作拔離速以步騎萬餘禦

之宋將張灝以兵十萬營於文水近郊復與巴爾斯

擊破之潞州復叛宋兵號十七萬托克索被圍麾下

士下馬力戰遂潰圍而出及再舉伐宋羅索原作其室率

軍先趨汴至澤州托克索烏嚙以五百騎爲前驅往

招河陽先據黃河津宋兵萬餘背水陣進擊敗之皆

擠於水遂降河陽汴京平諸將西趨陝津略定河東

郡縣托克索取憲州遇其援軍擊敗之生擒其將貝

勒宵溫珠嚙

原作濃
魂尤魯

等攻保德未下托克索進兵助

擊梯衝並進遂克其城貝勒烏爾古

原作
烏谷

攻石州屢

敗亡其三將軍士死者數百人托克索謂烏爾古曰

敵皆步兵吾不可騎戰烏爾古曰聞賊挾妖術畫馬

以繫其足疾甚奔馬步戰豈可及之托克索笑曰豈

有是耶乃令諸軍去馬戰盡殪之六年用楚赫

史作
宗輔

依詳校
本改

駐師鄧州托克索瑪武巴爾斯西取均房遂

下其城攻唐蔡陳州及潁昌府皆克之天眷初除彰

德軍節度使三年爲元帥左監軍皇統八年改濟南

尹天德間封定國公授世襲千戶卒年七十二正隆

二年贈應國公

金史本傳

大定間定亞次功臣圖像衍慶

宮贈特進

十六字依詳校本增

烏雅富埒瑁

原作烏延蒲盧渾

海蘭路烏克敦

原作烏孩懶古昏敵

山人父巴古拉

原作古刺

爲龍虎衛上將軍富埒瑁

力絕人能挽強射二百餘步

金史本傳

與兄呼沙呼

原作鶻沙

虎俱以勇健隸棟摩

原作闕母

帳下攻黃龍府力戰有功

兔耳山之敗張覺復整兵來諸將皆不敢戰富埒瑁

獨登山望之

宏簡錄

乃給諸將曰敵軍少急擊可破也

若入城不可復制遂合戰破之郭藥師蔡靖以燕京

降富埒瑋率九十騎先伺察城中居民去就遂將漢

兵千人隸完顏蒙克

原作蒙迺

攻真定進攻贊皇取之獲

人畜甲仗萬餘汴城破日已暮宋人猶力戰槍刺中

富埒瑋手戰益力遂敗宋軍賜金五十兩

睿宗爲右副元帥二

十二字依詳校本削

元帥府承制以富埒瑋爲河北西路兵馬

都總管及宋主在揚州富埒瑋與蒙克將萬騎襲之

宋主已渡江破其餘兵後與錫默阿里俱從宗弼自

淮西渡江取江甯宗弼入杭州宋主走明州再走溫

州由海路追三百餘里曠明州而歸天眷二年授鎮

國上將軍除安國軍以疾去官皇統六年世襲穆昆起爲延安尹賜尙衣一襲尋致仕海陵遷中都起爲歸德尹就其家授之賜銀牌襲衣玉吐鶻馳驛之官富埒瑋留數十日已遠程復聽致仕召赴京師至薊州見海陵於獵所明日從獵獲一狐海陵曰卿年老尙能馳逐擊獸健捷如此賜以御服封幽國公除太子少師進太子太保改眞定尹入判大宗正事頃之伐宋以本官行右領軍副都督事師次西采石海陵欲渡江富埒瑋曰宋軍船高大我船庫小恐不可遽渡海陵怒曰汝昔從梁王追趙構於海島皆大舟耶

乃今沮吾兵事設不能遽渡江不過有少損耳爾年

已七十縱自愛豈有不死理耶明日當與瑣都

原作
奔賄

先濟既而復止之乃遣別將先渡江舟小不可戰遂

失利

金史
本傳

軍還至中都謁世宗除東京留守詔諭卿

宿將久練兵事年雖老精神不衰因命到官旬月一

視事賜衣一襲進階開府儀同三司

去簡
錄

仍封幽國

公

金史
本傳

大定二年卒年七十三孫扎昆

原作
扎虎

遷廣威

將軍襲烏克敦山世襲明安並親管穆昆

去簡
錄

阿里布

原作阿
离補

宗室子系出景祖屢從征伐滅遼舉

宋皆有功天會九年睿宗經略陝西阿里布爲左翼

都統與右翼都統宗弼撫定鞏洮河西甯蘭廓等州
軍來賓定遠和政甘峪甯洮安隴等城寨及鎮堡蕃

漢營部四十餘處漢官軍民蕃部酋長甚眾於是涇

原熙河兩路皆平詔以兄明安薩勒扎

原作沙
離質

親管

穆昆之餘戶以阿里布爲世襲穆昆天會十二年爲

元帥右都監十五年遷左監軍天眷三年從宗弼復

河南遷左副元帥皇統三年封譚國公六年爲行臺

右丞相

史作左丞相
依詳校本改

元帥如故是歲薨大定間大襲

功臣圖像衍慶宮

金史
本傳

有所未盡

宏簡
錄

故定亞次功

臣始代國公罕都

原作
歡都

金源郡王質圖美

原作石
門

徐

國公琿楚

原作

鄭國公們圖克

原作

濮國公實古

納原作石

濟國公芬徹

原作

韓國公錫默阿里

原作

阿元帥左監軍巴爾斯

原作

魯國公富察實嘉努

原作蒲察

銀青光祿大夫蒙克

原作

隨國公和尼

原作石家奴

活特進托克索

原作

齊國公博勒和

儀同三司烏雅富埒

原作

儀同三司阿里布

原作阿魯補

鎮國上將軍烏凌阿

原作

托雲

領三省事勗

原作

太傅大吳

本名

大興尹持嘉暉

原作赤蓋暉

金吾衛上將軍耶律瑪武

原作

驃騎上將軍

韓常終阿里布

金史

凡二十三人

宏簡

咸著勳焉子

言方

金史本傳

赫木頗

原作赫珠卜奇

珠卜奇

原作亦吉

水錫默

原作斜卯

部人性忠

直寬厚重節義勇於戰父阿古圖

原作阿

贈金吾衛

上將軍穆宗時赫木頗內附

金史本傳

先遣子甯嘉

原作甯吉

從閑道送款使與和勒端

原作活里

合軍攻降諸部因

領其眾後佐薩哈

原作撒改

攻破烏塔

原作塢塔

城屢被賞賚

時富察

原作蒲察

部雅里貝勒與其兄弟和拜

原作胡八

松科

原作雙活

等欲叛歸遼赫木頗執之送於康宗賜賚甚厚

從戰高麗海蘭

原作曷懶

甸及下托囉

原作施魯

城有功

去簡錄

天輔六年卒年七十二天眷中贈銀青光祿大夫

金史

本傳

德克德

原作溫姑迭

溫特赫

原作溫迪罕

部人祖哲克訥

原作托古

通

父阿古岱

原作阿胡迭

世爲和掄

原作胡論

水部長德克德

年二十餘代領父穆昆攻宵江州敗遼援兵獲甲馬

財物攻破奚營回至韓州遇敵二千人擊走之烏楞

古

原作幹魯古

與遼人戰於咸州兵已卻德克德以本部

兵力戰諸軍復振遂大破之呼岱巴

原作護步答

岡之役

阿里布

原作乙里補太祖紀本作阿商本

貝勒陷敵中德克德援出

之攻黃龍府身被數創授明安天輔七年從上至山

西病卒年四十七天眷中贈光祿大夫

金史本傳

額圖琿

原作阿
徒罕

溫特赫

原作溫
迪罕

部人年十七從薩哈

原作威泰

原作
幹帶

討平諸部皆身先力戰高麗築九城

於海蘭

原作
曷懶

甸烏色

原作
幹塞

禦之額圖琿爲前鋒

金史
本傳

謀知兵屯海島亟率眾三十夜渡焚其營柵戰艦兵

遂大敗始下托津

原作
圖吉

城既而八城皆下論功爲最

宏簡
錄

遣兵自甯江州東門出額圖琿逆擊盡殲之以

功授穆昆從攻黃龍府力戰身被數十創竟登其城

後與鄂蘭沙津

原作烏
論石準

援昭蘇

原作
照散

城請乘不備急

擊之遂夜過伊圖

原作
益稷

水詰朝大敗之幹魯上其功

賜幣與馬天輔四年五月疾病賜良馬一匹詔曰汝

安則乘之卒年六十五上悼惜之遣使弔祭以馬爲

贈額圖琿爲人孝悌好施惠健捷善弋獵至角觝擊

鞠咸精其能

金史本傳

瓜爾佳實納

原作夾谷謝奴

隆州納爾琿

原作納魯悔

河人

金史本傳

祖阿哈

原作阿海

國初率所部來歸獻器用甲仗

宏簡父錄

布爾噶蘇

原作不刺達

襲本部貝勒從太祖伐遼授世襲

明安親管穆昆爲海蘭

原作葛懶

路都統實納其長子也

長身多力

史作多擇依詳校本改

善騎射通女直契丹大小字

及漢字旣冠隨其父見太祖命佩金牌總領左翼護

衛

金史本傳

天輔六年

太祖紀

西京未下實納獲城中生口

乃知城中潛遣人求救於外都統府得爲之備卻其

救兵西京乃下自燕京還過盤泥納

原作判泥
思納阿

遇敵

於隘實納身先士卒射殺敵中先鋒二人敵潰走總

管富勒呼

原作蒲
魯虎

以甲及馬贈之後領其父明安從

攻和尚原出仙人關宋人據險明安綽爾齊

原作魏
訛只

突戰不克實納選麾下五十人戰克之與吳玠相拒

烏哩雅

原作烏
里雅

行陣不整吳玠乘之實納領兵逆戰

遂大破敵計前後功襲其父明安穆昆

金史
本傳

天眷三

年

熙宗
紀

宗弼復取河南陝西宋人欲潛兵襲取石閭

諸營實納自渭南大禹鎮掩其伏兵射中其軍帥宋

兵敗走多獲旗幟兵仗帥府厚賞之除華州防禦使

入爲工部侍郎遷本部尙書改平涼尹昭義軍節度

使大定初卒

金史本傳

子扎拉

原作查刺宏簡錄

珠勒根穆都哩

原作阿勒根沒都魯

上京納琳

原作納鄰

河人也後

徙咸平路梅赫

原作梅黑

河雄偉美鬚髯勇毅善射國初

伐遼穆都哩在軍中領穆昆明安每遇敵往來馳突

人莫敢當故所戰克捷皇統元年計功擢宣威將軍

明年授同知通遠軍節度使改伊埒圖

原作移刺都

紉詳

袞授世襲本路音達琿

原作打琿

河穆昆爲滑州刺史

改肇州防禦使扶餘

原作蒲與

路節度使遷驃騎上將軍

累官金吾衛上將軍

金史本傳

以年老致仕卒年七十三

宏簡錄

洪果達呼布

原作黃揭敵古木

世居錫馨

原作星顯

水從破甯江

取咸州平東京路及諸山寨柵皆有功從瑪奇

原作麻吉

破遼和尚節使兵七千於上京復破納延

原作那野

軍二

萬再從瑪奇遇敵於阿林

原作阿鄰

甸瑪奇被創不能戰

達呼布率兵擊敗之勦殺殆盡從攻回鶻城破其兵

九萬敗瑪爾噶直薩

原作木匠直撒

兵於山後俘獲甚眾敗

扎古雅

原作古牙

兵三千獲其家屬而還攻平州張覺

烏春

原作吾春

被圍於西山引兵救之解其圍並獲糧五

十斛招降戶口甚眾從平興中撫安其民人天會間
大金伐宋從取濟開德大名及取濟南高唐棣密等
州皇統間以功襲穆昆移屯於壽光縣界爲千戶六
年授世襲千戶棣州防禦使卒

金史本傳

富察和珍

原作蒲察胡蓋

投春

原作安出虎

其父塔斯

原作特廝

死襲爲穆昆天輔間夏兵三萬出天

德路從羅索

原作婁室

迎戰以兵三百敗敵二千

金史本傳

會三年大軍攻太原以所領千戶軍擊敗城中兵萬
餘又敗援兵三萬於榆次境

去簡錄

六年從羅索攻京

兆以所部兵屢與宋人接戰皆先登有功七年取邢

州遇宋人二十餘萬右翼少卻時和珍爲左翼千戶
摧鋒陷陣敵遂敗去敗張浚富平復有功十二年擊
關師古眾三萬餘於臨洮從攻涇州從破德順秦鞏
臨洮河蘭等州破吳玠兵和珍皆有力焉授德順州
刺史改隴州防禦使爲鞏尹卒年五十五

金史本傳

